

## ■ TRIBUNA POLITICA

# Jau sun alura davent

DA BARBARA JANOM-STEINER,  
CUSSEGLIERA GUVERNATIVA

**E**nconuschais vus il cudesch «Ich bin dann mal weg» che l'entertainer tudestg Hape Kerkeling ha publictà l'onn 2006? En quel descriva el ses viadi sin la via da son Giachen fin a Santiago de Compostela ch'el ha fatg l'onn 2001. Kerkeling descriva staziuns captivantas ed impressiu-nantas da ses viadi sin la via da peleginadi bain la pli enconuschenta da l'Euro-pa.

**S**ajas sincer – avais vus pensà ad insatge auter legend il titel? Jau na fiss betg permalada! Effectiv-main va mia activitad sco commembra da la regenza grischuna plaunsieu a fin. En circa duas emnas «sun jau alura davent».

**S**che jau guard enavos sin il decenni da mia activitad guvernativa sumeglia baininqual chaussa bain er in viadi cun auts e cun bass, cun muments intensivs impressiu-nants, cun etappas cuntanschidas e la finala cun l'arrivada en il lieu da destinaziun. Sch'jau guard enavos sin il viadi dastg jau far quei cun grond plaschair e cun satisfacziun. Jau na vules per ina giada betg menziunar ils lieus d'etappa ch'jau hai dastgà cuntanscher. Na, ils numerus umans, ils quals jau hai inscuntrà sin mes viadi ed ils quals m'han acumpagnà e sustegnì,



duain esser en il center da mias ponderaziuns. Els tuts meritan in cordial engraziament!

**S**co emprim dastg jau menziunar vus, stimada votanta, stimà votant. Ils numerus inscunters m'han laschà sentir voss sustegn e vossa stima. Nossa democrazia directa viva dal barat dals patratgs e da la consideraziun d'arguments. Che vus m'avais adina sustegnì er en dumondas materialas demussa ch'jau hai prendì la dretga via.

**N**oss stadi federalistic funcziuna excellent-main. Pretensiuns cuntrarrias titulass jau sco fatgs alternativs. Nus dastgoin esser superbis da nossas vischnancas cun lur autoritads. Là vegni fatg gronda e buna lavur per nossa populaziun. Grazia a las reformas da las structurass sco las fusiuns po questa lavur pretensiusa vegnir liquidada en unitads pli grondas. La grondezza dat fermezza.

**L**a democrazia directa viva er dal schurnalism serius. Che la politica e las medias n'èn betg adina da la medema idea sa chapesch quasi da sez – al-main en nossas regiuns. La contemplaziun critica da la lavur politica è impurtanta e gida sco correctiv. Jau sper che las collavuraturas ed ils collavurators da las medias èn – en temps da fake news – conscients er en l'avegnir da lur rolla impurtanta per ina democrazia stabila.

**E**la fin finala vulesch jau ina giada er prender partida per nossa administraziun. Senza la lavur professiunala en l'administraziun fiss blier en in nausch stadi. En il Grischun avain nus in'administraziun concisa ed effizienta che lavura en general s'orientond als servetschs ed a la clientella.

**J**au guard pia cun almain jin egl larmus sin il cumià vegnint sco cussegliera guvernativa. Questa vista persunala na duai dentant betg turblar l'egliada che la lavur politica en noss sistem duai vegnir liquidada da differentas persunas e ch'ina midada regulara è perquai raschunavla.

**J**au sun alura davent – na, betg dal tutfatg! Mia activitad professiunala sa mida, ma mes domicil e mes conturns persunals restan, gist tuttina sco mia superbia dad esser Grischuna e da restar Grischuna.